



جدوال قمبراچان خطبه جمعة

Siri 10/ 2022

(Bulan Oktober Tahun 2022M)

ب	تاجوق	تاریخ
1.	رسول دچینتائی، سنة دحیاتی	7.10.2022M/ 11 Rabi'ulawwal 1444H
2.	رمفیت: باره سوسیال یغ کیان فاره	14.10.2022M/ 18 Rabi'ulawwal 1444H
3.	کلستارین عالم سکیت	21.10.2022M/ 25 Rabi'ulawwal 1444H
4.	لیندوغي هرتا: اواسي scammer	28.10.2022M/ 2 Rabi'ulakhir 1444H
	خطبه کدوا	

فرچیتقن دبیاپای:



تلیفون: 04-5498088



***Jawatankuasa Panel Semakan Teks Khutbah Negeri Pulau
Pinang***

- 1. SS Dato' Seri Dr. Haji Wan Salim bin Wan Mohd Noor (Pengerusi)**
Mufti Kerajaan Negeri Pulau Pinang
- 2. Y.Bhg Dato' Rosli bin Othman**
Ketua Penolong Pengarah, Sektor Pendidikan
Jabatan Pendidikan Negeri Pulau Pinang
- 3. Prof. Madya Dr. Atikullah bin Abdullah**
Pensyarah, Pusat Pengajian Ilmu Kemanusiaan,
Universiti Sains Malaysia
- 4. Ustaz Ahmad bin Hashim**
Ketua Pusat Pengajian Tahfiz Al-Quran,
Kolej Islam Teknologi Antarabangsa Pulau Pinang (KITAB)
- 5. Ustazah Rohayati binti Daud**
Penyelaras Program Intervensi Kaunseling,
Universiti Sains Malaysia
- 6. Ustaz Mohd Salmi bin Shaimi**
Guru, Madrasah Irshad Al-Ashraf Al-Wataniah, SPS
- 7. Ustaz Subki bin Mohamed**
Pensyarah, IPG Kampus Tuanku Bainun
- 8. Ustaz Mohd Hanif bin Omar @ Wahab
(Setiausaha)**
Ketua Penolong Pengarah, Bahagian Dakwah
Jabatan Hal Ehwal Agama Islam Pulau Pinang (JHEAIPP)



كلستارين عالم سكيتر

(خطبة خاص سمفنا سمبوتن هاري عالم سكيتر نكارا 2022)

(21 OKTOBER 2022M / 25 RABI'UL AWWAL 1444H)

الْحَمْدُ لِلَّهِ الَّذِي سَخَّرَ لَنَا مَا فِي الْأَرْضِ مِنَ الْخَيْرَاتِ،
وَشَرَعَ لَنَا الْإِنْتِفَاعَ بِمَا فِيهَا مِنَ الْحَيَوَانَاتِ،
وَأَنْعَمَ عَلَيْنَا فِيهَا بِنِعَمِ الْأَشْجَارِ وَالنَّبَاتَاتِ.
وَأَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ فِي الْأَسْمَاءِ وَالصِّفَاتِ،
وَأَشْهَدُ أَنَّ سَيِّدَنَا مُحَمَّدًا عَبْدُهُ وَرَسُولُهُ سَيِّدُ السَّادَاتِ،
بَعَثَهُ اللَّهُ رَحْمَةً لِّجَمِيعِ الْمَخْلُوقَاتِ.

صَلَّى اللَّهُ وَسَلَّم عَلَى سَيِّدِنَا مُحَمَّدٍ وَعَلَى آلِهِ وَأَصْحَابِهِ الطَّيِّبِينَ وَالطَّيِّبَاتِ،
وَعَلَى التَّابِعِينَ لَهُمْ بِإِحْسَانٍ مَا دَامَتِ الْأَرْضُ وَالسَّمَاوَاتُ. أَمَّا بَعْدُ، فَيَا أَيُّهَا الْإِخْوَةُ
الْمُؤْمِنُونَ، أُوصِيكُمْ وَنَفْسِي بِتَقْوَى اللَّهِ وَطَاعَتِهِ. تَفُوزُوا بِجَمِيعِ الْحَسَنَاتِ.

SIDANG JUMAAT YANG BERBAHAGIA,

Marilah sama-sama kita bertakwa kepada Allah dengan mentaati segala perintah Allah dan meninggalkan segala larangan-Nya. Mudah-mudahan kita tergolong dalam kalangan mukmin yang berjaya di dunia dan di akhirat.

Sebelum melanjutkan bicara, suka khatib memberi peringatan. Marilah kita tinggalkan perkara lagha yang bertentangan dengan sunnah serta adab yang boleh mengurangkan pahala, iaitu tindakan yang memesongkan perhatian daripada mendengar khutbah dan isi kandungannya. Ini termasuklah perbuatan berbual-bual, tidur dengan sengaja, bermain telefon bimbit dan menggerakkan



tabung kutipan semasa khatib sedang berkhutbah. Bagi melengkapikan kewajipan solat Jumaat hari ini, marilah kita menghayati bicara mimbar yang bertajuk: **“Kelestarian Alam Sekitar.”**

SIDANG JUMAAT YANG DIRAHMATI ALLAH SEKALIAN,

Negara kita Malaysia telah menikmati pembangunan pesat dari pelbagai segi sejak negara mencapai kemerdekaan. Kepesatan ini didorong oleh komitmen dan daya usaha pihak kerajaan bagi melaksanakan projek pembangunan bagi memastikan keselesaan kepada rakyat Malaysia. Pelbagai projek peningkatan infrastruktur dirancang dan dilaksanakan merangkumi pembinaan sekolah, perumahan, empangan, lapangan terbang, lebuh raya baharu dan lain-lain.

Keseimbangan alam sekitar dan ekosistem memberi kesan yang ketara kepada keharmonian dan kesejahteraan hidup. Apakah ini selari dengan kemajuan negara serta kemakmuran yang dikecapi? Persoalan ini perlu diutarakan kepada semua pihak yang terlibat termasuk kita sebagai masyarakat yang akan mendapat manfaat dari pembangunan itu.

SIDANG JUMAAT YANG BERBAHAGIA,

Isu pencemaran alam sekitar tidak boleh dilihat sebagai isu sampingan lagi. Ia perlu diletakkan sebagai indikator penting dalam kemajuan sesuatu projek. Peranan penggerak sesuatu projek pembangunan dan pelaksanaannya penting bagi memastikan setiap langkah yang dilakukan selari dengan kaedah pelestarian alam yang berkesan bukan hanya dilaksanakan seperti melepas batuk di tangga.

Alam sekitar adalah anugerah Allah **سُبْحَانَهُ وَتَعَالَى** yang amat bernilai kepada kesejahteraan kehidupan. Allah telah mencipta alam ini dengan sempurna dan seimbang untuk kemakmuran manusia. Bumi yang luas dijadikan tempat tinggal manusia, gunung-ganang sebagai pasak bumi, tumbuh-tumbuhan hijau sebagai sumber makanan dan oksigen kepada kehidupan, hujan sebagai sumber air. Demikian juga dengan pelbagai jenis haiwan dan kehidupan di lautan yang dijadikan untuk memenuhi keperluan hidup manusia. Setiap perkara diciptakan Allah menjadi tanda yang menakjubkan, penuh bermakna

serta menunjukkan kemuliaan-Nya. Hal ini dinyatakan dalam surah Taha, ayat 53-54:

الَّذِي جَعَلَ لَكُمُ الْأَرْضَ مَهْدًا وَسَلَكَ لَكُمْ فِيهَا سُبُلًا وَأَنْزَلَ مِنَ السَّمَاءِ مَاءً فَأَخْرَجْنَا بِهِ أَزْوَاجًا مِّن نَّبَاتٍ شَتَّى ﴿٥٣﴾ كُلُوا وَارْعَوْا أَنْعَمَكُم إِنَّ فِي ذَلِكَ لَآيَاتٍ لِّأُولِي الْأَلْبَابِ ﴿٥٤﴾

Maksudnya: “(Dialah Tuhan) yang telah menjadikan bumi bagi kamu sebagai hamparan dan Ia telah mengadakan bagi kamu pada-Nya jalan-jalan lalu-lalang dan Dia juga telah menurunkan hujan dari langit. Maka Kami keluarkan dengannya berjenis-jenis tanaman dan buah-buahan yang berlainan keadaannya. Makanlah kamu daripadanya dan berilah makan binatang-binatang ternak kamu; sesungguhnya semuanya itu mengandung tanda-tanda yang membuktikan kemurahan Allah, bagi orang-orang yang berakal fikiran.”

MUSLIMIN RAHIMAKUMULLAH,

Persoalan yang sering timbul ialah, sejauh mana kita merasa bertanggungjawab dalam memastikan kelestarian alam ini?

Sikap sebahagian masyarakat yang meremehkan isu berkaitan alam sekitar ini akhirnya menjejaskan kehidupan sendiri. Pelbagai bencana dan kerosakan alam sekitar yang berlaku di seluruh dunia adalah sebahagiannya disebabkan oleh kerakusan dan kecuaiian manusia. Firman Allah dalam surah Ar Rum ayat 41:

ظَهَرَ الْفَسَادُ فِي الْبَرِّ وَالْبَحْرِ بِمَا كَسَبَتْ أَيْدِي النَّاسِ لِيُذِيقَهُمْ بَعْضَ الَّذِي عَمِلُوا لَعَلَّهُمْ يَرْجِعُونَ ﴿٤١﴾

Maksudnya: “Telah timbul pelbagai kerosakan dan bala bencana di darat dan di laut dengan sebab apa yang telah dilakukan oleh tangan manusia; (timbulnya yang demikian) kerana Allah hendak merasakan mereka sebahagian dari balasan perbuatan buruk yang mereka telah lakukan, supaya mereka kembali (insaf dan bertaubat).”

Sesungguhnya hubungan manusia dan alam sekitar sememangnya rapat, malah kedua-duanya saling memerlukan antara satu sama lain. Maka tidak hairanlah apabila Islam begitu menitikberatkan tanggungjawab manusia untuk mengekalkan keharmonian dunia dan menjaga segala isi alam anugerah Maha Pencipta.

Amaran dan peringatan Allah kepada semua makhluk untuk memelihara kelestarian alam sekitar diterjemahkan melalui firman-Nya dalam surah Al A'raf, ayat 56:

وَلَا تُفْسِدُوا فِي الْأَرْضِ بَعْدَ إِصْلَاحِهَا وَادْعُوهُ خَوْفًا وَطَمَعًا إِنَّ رَحْمَتَ اللَّهِ قَرِيبٌ مِّنَ الْمُحْسِنِينَ ﴿٥٦﴾

Maksudnya: “Dan janganlah kamu berbuat kerosakan di bumi sesudah Allah menyediakan segala yang membawa kebaikan-Nya, dan berdoalah kepada-Nya dengan perasaan bimbang (kalau-kalau tidak diterima) dan juga dengan perasaan terlalu mengharap (supaya makbul). Sesungguhnya rahmat Allah itu dekat kepada orang-orang yang memperbaiki amalannya.”

Sempena Hari Alam Sekitar Negara 2022 yang jatuh pada tanggal 21 Oktober setiap tahun, khatib menyeru agar kita menghayati peranan sebagai khalifah yang memikul amanah Allah ﷻ kita diberikan akal dan fikiran berbanding ciptaan-Nya yang lain, kita juga perlu bertindak bijak dalam mengatur penggunaan hasil bumi secara lestari demi memastikan generasi seterusnya tidak terbeban dengan sifat tamak dan kerakusan sesetengah pihak dari kalangan kita yang tidak bertanggungjawab.

Bumi ini bukanlah hak milik mutlak manusia untuk berbuat sesuka hati tetapi ia adalah milik Pencipta Agung yang diamanahkan kepada manusia sebagai khalifah di muka bumi ini untuk berkongsi hidup dengan makhluk-makhluk yang lain. Berdasarkan sifat rahmat yang dibawa oleh Rasulullah ﷺ untuk sekalian alam meliputi manusia, haiwan dan alam seluruhnya, maka apa-apa sahaja makhluk di atas muka bumi ini wajib diberi hak kehidupan dan dijaga dengan sebaik-baiknya sebagaimana diperintah oleh Al Quran dan Sunnah.

SIDANG JUMAAT YANG DIMULIAKAN,

Mimbar juga menyeru para hadirin sekalian, marilah kita sama-sama berganding bahu untuk memakmurkan bumi Allah ini dengan sebaik-baiknya. Antaranya:

Pertama: Setiap anggota masyarakat boleh bertindak sebagai sukarelawan alam sekitar atau menyertai rakan alam sekitar dalam melaksanakan dan mengamalkan gaya hidup lestari seperti menggalakkan komuniti untuk meningkatkan tanaman hijau.

Kedua: Penanaman pelbagai tumbuhan ini dapat membantu menyerap karbon dioksida dari udara yang akhirnya mengurangkan kesan gas rumah hijau. Ia juga mampu mengubah iklim mikro di sesuatu tempat. Penanaman tumbuhan hijau juga menjadikan suasana persekitaran lebih sejuk dan nyaman.

Ketiga: Aktiviti lain yang boleh dijalankan adalah aktiviti mengutip sampah sambil riadah di sekitar tempat tinggal, pantai-pantai peranginan, di sekitar sungai dan taman rekreasi.

Program seperti ini juga menjadikan kita sebagai kumpulan contoh dan menjadi ikutan dalam menerapkan nilai murni dalam masyarakat. Kerajaan Arab Saudi juga telah mengisytiharkan jemaah haji Malaysia sebagai jemaah yang baik kerana telah meninggalkan khemah-khemah di Mina dan Arafah dalam keadaan yang bersih dan baik.

Firman Allah dalam surah Al Jasiah ayat 13:

وَسَخَّرَ لَكُم مَّا فِي السَّمٰوٰتِ وَمَا فِي الْاَرْضِ جَمِيعًا مِّنْهُ
اِنَّ فِيْ ذٰلِكَ لَاٰيٰتٍ لِّقَوْمٍ يَّتَفَكَّرُوْنَ ﴿١٣﴾

Maksudnya: “Dan Dia memudahkan untuk (faedah dan kegunaan) kamu, segala yang ada di langit dan yang ada di bumi, (sebagai rahmat pemberian) daripadanya; Sesungguhnya semuanya itu mengandungi tanda-tanda (yang membuktikan kemurahan dan kekuasaan-Nya) bagi kaum yang memikirkan dengan teliti.”

بَارَكَ اللَّهُ لِي وَلَكُمْ فِي الْكِتَابِ وَالسُّنَّةِ، وَنَفَعَنِي وَإِيَّاكُمْ بِالْآيَاتِ وَالْحِكْمَةِ، أَقُولُ
قَوْلِي هَذَا، إِنْ كَانَ صَوَابًا فَمِنَ اللَّهِ الْمَنَّانِ، وَإِنْ كَانَ خَطَأً فَمِنْ نَفْسِي وَالشَّيْطَانِ،
وَأَسْتَغْفِرُ اللَّهَ الْعَظِيمَ لِي وَلَكُمْ وَلِسَائِرِ الْمُسْلِمِينَ وَالْمُسْلِمَاتِ وَالْمُؤْمِنِينَ
وَالْمُؤْمِنَاتِ إِنَّهُ هُوَ الْغَفُورُ الرَّحِيمُ.



خطبة كدوا بولن اوكتوبر

2022M/ 1444H

الْحَمْدُ لِلَّهِ عَلَى آلَائِهِ وَإِحْسَانِهِ، وَالشُّكْرُ لَهُ عَلَى تَوْفِيقِهِ وَامْتِنَانِهِ،
وَأَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ تَعْظِيمًا لِسَانِهِ،
وَأَشْهَدُ أَنَّ مُحَمَّدًا عَبْدُهُ وَرَسُولُهُ دَاعِيًا إِلَى رِضْوَانِهِ.
صَلَّى اللَّهُ وَسَلَّم عَلَى سَيِّدِنَا مُحَمَّدٍ وَعَلَى آلِهِ وَصَحْبِهِ، عَدَدَ خَلْقِهِ وَرِضَا نَفْسِهِ،
وَزِنَةَ عَرْشِهِ وَمِدَادَ كَلِمَاتِهِ.
أَمَّا بَعْدُ، فَيَا عِبَادَ اللَّهِ، اتَّقُوا اللَّهَ تَعَالَى رَبَّكُمْ حَقَّ تَقَاتِهِ، وَاعْمَلُوا بِطَاعَتِهِ
وَمَرْضَاتِهِ، ثُمَّ اْعْلَمُوا أَنَّ اللَّهَ سُبْحَانَهُ وَتَعَالَى أَمْرُكَ بِأَمْرٍ بَدَأَ فِيهِ بِنَفْسِهِ؛ فَقَالَ -
عَلِيمًا حَكِيمًا.

إِنَّ اللَّهَ وَمَلَائِكَتَهُ يُصَلُّونَ عَلَى النَّبِيِّ يَا أَيُّهَا الَّذِينَ ءَامَنُوا صَلُّوا عَلَيْهِ وَسَلِّمُوا تَسْلِيمًا ﴿٥٦﴾
[الأحزاب: 56]

اللَّهُمَّ صَلِّ وَسَلِّمْ عَلَى عَبْدِكَ وَرَسُولِكَ مُحَمَّدٍ نِ الْبَشِيرِ النَّذِيرِ، وَالسَّرَاجِ الْمُنِيرِ،
وَارْضَ اللَّهُمَّ عَنْ آلِهِ وَصَحَابَتِهِ أَجْمَعِينَ، وَعَنِ التَّابِعِينَ، وَمَنْ تَبِعَهُمْ بِإِحْسَانٍ
إِلَى يَوْمِ الدِّينِ، وَعَنَّا مَعَهُمْ بِعَفْوِكَ وَكَرَمِكَ وَإِحْسَانِكَ يَا أَرْحَمَ الرَّاحِمِينَ.
اللَّهُمَّ اغْفِرْ لِلْمُسْلِمِينَ وَالْمُسْلِمَاتِ وَالْمُؤْمِنِينَ وَالْمُؤْمِنَاتِ الْأَحْيَاءِ مِنْهُمْ
وَالْأَمْوَاتِ،

اللَّهُمَّ آمِنَّا فِي أَوْطَانِنَا، وَأَصْلِحْ وَاحْفَظْ أئِمَّتَنَا وَعُلَمَاءَنَا وَوُزَرَائِنَا وَوُلَاةَ أُمُورِنَا.
اللَّهُمَّ وَفِّقْهُمْ لِمَا فِيهِ عِزُّ دِينِكَ وَنَصْرُ شَرِيعَتِكَ، اللَّهُمَّ اجْعَلْهُمْ هُدَاةً مُهْتَدِينَ
صَالِحِينَ مُصْلِحِينَ وَاشْمَلِ اللَّهُمَّ بِعِنَايَتِكَ وَتَوْفِيقِكَ عَلَى صَاحِبِ الْجَلَالَةِ،



Kebawah Duli Yang Maha Mulia Seri Paduka Baginda Yang di-Pertuan Agong, Al-Sultan Abdullah Ri'ayatuddin Al-Mustafa Billah Shah Ibni Almarhum Sultan Haji Ahmad Shah Al-Musta'in Billah dan Kebawah Duli Yang Maha Mulia Seri Paduka Baginda Raja Permaisuri Agong, Tunku Hajah Azizah Aminah Maimunah Iskandariah Binti Almarhum Al-Mutawakkil Alallah Sultan Iskandar Al-Haj;

وَكَذَلِكَ صَاحِبُ الْفَخَامَةِ،

Tuan Yang Terutama, Tun Dato' Seri Utama Ahmad Fuzi Bin Haji Abdul Razak, Yang di-Pertua Negeri Pulau Pinang.

اللَّهُمَّ ادْفَعْ عَنَّا الْبَلَاءَ وَالْوَبَاءَ وَالْغَلَاءَ وَالرِّيَاءَ، وَالرَّبَا وَالزُّنَا وَالزَّلَازِلَ وَالْمِحْنَ وَسُوءَ الْفِتَنِ مَا ظَهَرَ مِنْهَا وَمَا بَطَنَ عَنْ بَلَدِنَا هَذَا خَاصَّةً، وَعَنْ سَائِرِ بِلَادِ الْمُسْلِمِينَ عَامَّةً يَا رَبَّ الْعَالَمِينَ.

اللَّهُمَّ إِنَّا نَعُوذُ بِكَ مِنَ الْبَرَصِ وَالْجُنُونِ وَالْجُدَامِ وَمِنْ سَيِّئِ الْأَسْقَامِ، يَا أَرْحَمَ الرَّاحِمِينَ.

Ya Allah! Dengan sifat-Mu yang Maha Pemurah dan Maha Mendengar, jadikanlah kami dan keturunan kami orang-orang yang istiqamah mendirikan solat secara berjemaah serta mengeluarkan zakat dan melaksanakan waqaf.

Ya Allah! Berilah petunjuk-Mu kepada kami, pemuda-pemuda kami, pemimpin-pemimpin kami untuk memberikan khidmat bakti yang terbaik kepada agama, bangsa dan negara.

Ya Allah! Kau hindarilah kami daripada perbuatan-perbuatan khianat dan durjana yang merosakkan kepentingan agama, masyarakat dan negara.

رَبَّنَا آتِنَا فِي الدُّنْيَا حَسَنَةً وَفِي الْآخِرَةِ حَسَنَةً وَقِنَا عَذَابَ النَّارِ.

عِبَادَ اللَّهِ! إِنَّ اللَّهَ يَأْمُرُ بِالْعَدْلِ وَالْإِحْسَنِ وَإِيتَايَ ذِي الْقُرْبَى وَيَنْهَى عَنِ الْفَحْشَاءِ
وَالْمُنْكَرِ وَالْبَغْيِ يَعِظُكُمْ لَعَلَّكُمْ تَذَكَّرُونَ ﴿٩٠﴾ (سورة النحل)

فَاذْكُرُوا اللَّهَ الْجَلِيلَ يَذْكُرْكُمْ وَاشْكُرُوا عَلَى نِعَمِهِ يَزِدْكُمْ، وَلَذِكْرُ اللَّهِ أَكْبَرُ وَاللَّهُ
يَعْلَمُ مَا تَصْنَعُونَ ﴿٩١﴾ (سورة العنكبوت)